

卷一百九十一



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰，明 王德益、吳鵬 同校
 卷 卷一百九十一
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿 上 總論諸卿
 少卿 附

奉禮郎 主簿 博士
 太祝 兩京郊社署

太樂署 鼓吹署 太醫署
 太卜 太官署 太公廟等署

良醞署 主簿 掌醢署
 丞 太官署 珍羞署

丞 武庫署 武器署
 守宮署 武庫署 左右都候

丞 諸陵署 崇玄署
 丞 諸陵署 崇玄署

丞 主簿 乘黃署 典廐署
 丞 主簿 乘黃署 諸牧監

丞 主簿 車府署
 丞 主簿 車府署

評事 監獄丞
 評事 監獄丞

彩色首頁1
 東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

通典卷一百九十一
為像每日清水浴神烹羊而祭其王那陵提婆身着
真珠諸寶耳垂金鈎玉鐺佩寶裝伏突坐獅子座常
散花燃香大臣左右並坐於地有阿耆婆滿池周迴
二十餘步以物投之即生煙焰懸釜而炊須臾而熟
唐永徽二年遣使朝貢

杜氏通典卷第一百九十一終

杜氏通典卷第一百九十一

邊防七 西戎三

西戎揔序 樓蘭 且末 杆彌

車師 高昌附 龜茲

西戎揔序

西域以漢孝武時始通本三十六國皆在匈奴之西
烏孫之南南北有大山中央有河東西六千餘里東
則接漢阨以玉門陽關 二關並在 西則限以葱嶺諸
國大率土著有城郭田畜與烏孫異故皆役屬匈奴
西邊日逐王領西城賦稅取足焉其南山東出金城
今金城會寧安鄉西 與漢南山屬焉 屬聯 自玉門陽
平等即漢金城郡地

關出西域有兩道從鄯善傍南山北陂河西行循河

彼義反史記曰陂山東道至莎車為南道西踰葱嶺則出大月氏

安息氏音支自車師前王庭今交河郡隨北山陂河西行至

疏勒為北道西踰葱嶺則出大宛康居奄蔡焉自張

騫開西域之迹其後霍去病擊破匈奴右地降渾邪

休屠王屠音除遂空其地始築令居以西今音鈴縣名

西初置酒泉郡後稍發徙人充實之分置武威張掖

燉煌酒泉四郡地並今郡據兩關焉自李廣利伐大宛之

後西域震懼多遣使來貢獻於是東自燉煌西至鹽

澤即蒲首海在今交河北庭界中往往起亭障是時軍旅連出師行

二三十年海內虛耗征和中貳師李廣利以軍降匈

奴帝既悔遠征伐而搜粟都尉桑弘羊與丞相御史

奏言故輪臺以東接枝渠黎皆故國地輪臺渠黎地各今在交河

北庭界中其地相連廣饒水草有溉田五千頃以上處溫和田

美可益通溝渠種五穀與中國同時熟田一歲有積

穀募人壯健有累重敢徙者詣田所累重為妻子家屬就畜

積為本業益墾溉田稍築列亭連城而西以威西國

帝深陳既往之悔乃下詔曰前有司奏欲益人賦三

十助邊用每口取三十錢是重困老弱孤獨也而今又請遣

卒田輪臺輪臺西於車師千餘里前開陵侯擊車師

時開陵侯匈奴介和王來降者也危湏尉黎樓蘭六國皆發畜食迎

漢軍又自發兵凡數萬人王各自將兵圍車師降其

王諸國兵便罷力不能復至道上食漢軍漢軍破城

食至多壯士自載不足以竟師雖各自載糧而行道已盡至歸塗而尚苦

乏食不終師旅之車強者盡食畜產羸者道死數千人朕發酒

泉驢橐駝負食出玉門迎軍吏卒起張掖不甚遠然

尚廝留其衆廝留言是前後雜厠不相及逮廝音斯曩者朕之不明以

軍候弘上書言匈奴縛馬足置城下馳言秦人我乞

若馬謂中國人為秦人習故言也乞若猶言乞汝乞音氣又漢使者以留不還

故遣貳師將軍欲以為使者威重也古者卿大夫與

謀參以著龜不吉不行謂共卿大夫謀事尚不專決猶雜問著龜乃者丞

相御史二千石諸大夫郎為文學者皆言祥善而易

之卦得大過爻在九五其繇曰枯楊生華象曰枯楊生華何可久也謂匈奴破不

匈奴困敗公車方士太史理星占氣及太卜龜著

皆以為吉匈奴必破時不可得也今便利之時卜諸

將貳師最吉卜遺諸將內於卦故朕親發貳師今謀

卦兆皆反繆失一狼走千羊乃者貳師敗軍士死虜

掠盡離散言死及被虜掠並自離散悲痛常在朕心今請遠田輪

臺欲起亭隧處開行道是擾勞天下非所以優人

也朕不忍聞且匈奴得漢降者常提掖搜索問以所

聞或私賚文書今邊塞未正闌出不禁鄣侯長吏使

卒獵獸以皮肉為利辛苦而烽火之失亦上集不得

為邊塞有闌出逃亡之人而主者不禁又長吏利於皮肉多使鄣侯之卒獵獸故令烽火有乏又其人勞苦因致奔亡凡有此失後降者來及捕虜生口乃知皆不集於所上文書



之既不上文書所以當時不知至有降者來當今務

及生口或虜時得匈奴之人言乃知此事因募馬以充徭

在禁苛暴止擅賦力本農循馬復令賦也復方自反

以補缺無乏武備而已郡國二千石各上進畜馬方

畧補邊狀與計偕與上計者同來赴對由是不復出軍而封丞

相田千秋為富人侯以明休息思富養人也昭帝時

乃用桑弘羊前議以給使外國者至宣帝遣衛司馬

使護鄯善以西數國及破姑師未盡殄分以為車師

前後王及山北六國時漢獨護南道未能盡并北道

也神雀三年匈奴日逐王來降護鄯善以西使者鄭

吉迎之乃因使吉并護北道故號曰都護都護之置

自吉置矣由此匈奴益弱不得近西域於是徙屯田

於比胥鞬枝莎車之地鞬居言反屯田校尉始屬都

護都護督察烏孫康居諸外國都護理烏壘城去陽

關三千七百四十里與渠黎官田相近土地肥饒於

西域中為故里焉至元帝復戊巳二校尉屯田於車

師前王庭戊巳中央鎮覆四方又開渠播種以為厭勝故稱戊巳焉哀平間自相

分割為五十五國九國自譯長城長君監吏大祿伯

長千長都尉且子餘反渠當戶將相至侯王皆佩漢印

綬凡三百七十六人而康居大月氏安息窳賓烏弋

之屬皆以絕遠不在數中其來貢獻則與相報不督

錄惣領也至王莽時四邊擾亂與中國遂絕並復役

屬匈奴前往西域有二道自元始以後有三道從王

門關出西經婁

婁而轉西越葱嶺經懸度入大月氏為南道從玉門關西出發都護并廻三隴沙北頭

經居盧倉從沙西北過龍堆到故樓蘭轉西詣龜茲

至葱嶺為中道從玉門關西北出經橫坑辟三隴沙

及龍堆出五船皆到車師界戊巳校尉所理高昌轉

西與中道合龜茲新道後漢永平中匈奴乃脅諸國

共寇河西郡縣等今武威張掖城門書閉明帝乃命將

北征匈奴取吾盧地今吳縣置宜禾都尉以屯田遂通

西域于闐諸國西域自絕六十五載乃復通焉明年

始復置都護戊巳校尉及明帝崩焉耆龜茲攻沒都

護陳睦匈奴車帥圍戊巳校尉章帝不欲疲弊中國

以事夷狄乃追還戊巳校尉不復遣都護復罷屯田

匈奴因遣兵守伊吾地時軍司馬班超留于闐綏集

諸國和帝永光初竇憲大破匈奴因遣副使尉閻盤

掩擊伊吾破之三年班超遂定西域因以超為都護

居龜茲復置戊巳校尉於是五十餘國悉納質內屬

其條支安息諸國至於海濱四萬里外皆重譯貢獻

九年班超遣掾甘英窮臨西海而還皆前代所不至

莫不備其風土傳其珍恠焉及班超被徵以任尚為

都護尚謂超曰猥承君後宜有以誨之超曰塞外吏

士本非孝子順孫皆罪過徙補邊屯而蠻夷懷鳥獸

之心難養易敗今君性嚴急水清無大魚察政不得



下和宜蕩佚簡易寬小過總大綱而已超去後尚私謂所親曰我以班君當有奇策今所言平平耳尚至數年安帝初西域背叛如超所誠頻攻圍都護任尚段禧等朝廷以其險遠難相應赴詔罷都護由此遂棄西域北匈奴即復收屬諸國共爲邊寇十餘歲燉煌太守曹崇請出兵擊匈奴復欲進取西域鄧太后不許但令置護西域副校尉居燉煌羈縻而已其後匈奴連與車師入寇河西漢不能禁議者因欲閉玉門陽關以絕其患尚書陳忠上疏曰臣聞八蠻之寇莫甚北虜高祖窘平城之圍文帝屈供奉之恥故孝武憤怒深爲久長之計命遣武臣浮河絕漠窮破虜

庭遂開西河四郡以隔絕南羗收三十六國斷匈奴右臂是以單于孤特竄跡遠藏由此觀之戎狄可以威服難以化狎西域內附日久區區東向扣關者數矣此其不樂匈奴慕漢之効也今北虜已破車師勢必南攻鄯善棄而不救則諸國從矣若然則虜賄益增膽勢益殖威臨南羗與之交連如此河西四郡危矣不得不救則百倍之役興不訾之費發矣議者但念西國絕遠恤之煩費不見先代苦心勤勞之意也臣以爲燉煌宜置校尉按舊增四郡屯兵以西撫諸國庶足折衝萬里震怖匈奴太后又召班超之子勇問之勇議曰昔者孝武皇帝患匈奴強盛開通西域諸

論者以爲奪匈奴府藏斷其右臂遭王莽篡位徵求無厭胡夷忿毒遂以背叛光武中興未遑外事故匈奴負強驅率諸國及至永平再攻燉煌河西郡城門書閉明帝命武臣出征西域故匈奴遠遁邊境得安及至永元莫不內屬會間者羗亂西域復絕北虜遂遣青諸國備其逋租高其價直嚴以期會鄯善車師皆懷忿怒思樂事漢其路無從前所以時有叛者皆由牧養失宜還爲其害舊燉煌郡有營兵三百人宜復之復置護西域副校尉居於燉煌如永元故事又宜遣西域長史將五百人屯樓蘭西當焉耆龜茲徑路南強鄯善于闐心膽北扞匈奴東近燉煌如此誠

長樂衛尉譚顯等難曰朝廷前所以棄西域者以其無益於中國而費難供也今車師已屬匈奴鄯善不可保信一朝反覆班將軍能保北虜不爲邊害乎勇對曰今中國置州牧者以禁郡縣姦猾盜賊也若州牧能保盜賊不起者臣亦願以腰斬保匈奴之不爲邊害也今通西域則虜勢必弱虜勢弱則爲患微矣孰與歸其府藏續其右臂哉爲置校尉以扞北撫西設長史以招懷諸國若棄而不立則西域屈就北虜緣邊之郡將受困苦河西城門復有書閉之儆矣今不廓開朝廷之德而拘屯戍之費若北虜遂熾豈安邊久長之策哉太尉屬毛軫難曰今若置校尉則西

域絡繹遣使求索無厭與之則費難供不與則失其
心一朝為匈奴所迫當復求救則為役大矣勇對曰
今設以西域歸匈奴而使其因西域租入之饒兵馬
之眾以擾動緣邊是為富仇讎之財增暴夷之勢也
置校尉者宣布威德以繫諸國內向之心以疑匈奴
覬覦之情而無費財耗國之慮也且西域之人無佗
求索其來入者不過廩食而已今若拒絕勢必北屬
夷虜并力以寇并涼則中國之費不止十億於是從
忠勇議乃以勇為西域長史將五百人西屯柳中

河郡勇遂破平車師自建武至于延光西域三絕復

通順帝永建二年勇復擊降焉耆於是龜茲踈勒于

闐莎車等十七國皆來服從而烏孫葱嶺以西遂絕

六年帝以伊吾舊膏腴之地傍近西域匈奴資之以

為抄暴復令開設屯田如永元時事置伊吾司馬一

人自陽嘉以後朝威稍損諸國驕放轉相陵伐矣自

魏及晉中原多故西域朝貢不過三數國焉至後魏

太武帝使董琬使西域還且言其地為三域自葱嶺

以東流沙以西為一域始墨以南月氏以北為一域

兩海之間水澤以南為一域三域之內諸小渠長蓋

以百數其出西域更為四道自玉門流沙西行二千

里至鄯善為一道自玉門度流沙北行二千二百里

至車師為一道從莎車西行一百里至葱嶺西千三

百里至伽部爲一道自莎車西南五百里至葱嶺西南千三百里至波路爲一道焉於是貢獻者十有六國孝文延興中尚書奏以燉煌一鎮界遠西北寇賊路衝慮或不固欲移就涼州群官會議給事中韓秀曰此蹙境之事非闢土之宜愚謂燉煌之立其來久矣雖土鄰強寇而兵人素習縱有奸竊不能爲害循常置戍足以自全進斷北狄之覘途退塞西夷之闕路若徙就姑藏慮人懷異意或貪留重遷情不願徙引寇內侵深爲國患且燉煌去涼州三千里捨遠就近防制有關一朝廢置是啓戎心則夷狄交構互相往來恐醜徒協契侵竊涼土邊役繁興艱難方甚乃

從秀議隋煬帝時遣侍御史韋節司隸從事杜行滿使於西蕃諸國至罽賓得瑪瑙杯王舍城得佛經史國得十舞女獅子皮火鼠毛而還帝復令裴矩於武威張掖間往來以引致之皆啗以厚利令轉相諷諭大業中相率而來朝者四十餘國帝因置西戎校尉以應接之自燉煌西出玉門陽關涉鄯善北通伊吾千里自伊吾北通車師前部高昌壁千二百里自高昌壁北通車師後部金滿城今北庭府縣五百里此其西域之門戶內地故漢戍已校尉更互屯焉伊吾地宜五穀桑麻蒲萄其北及柳中皆膏腴之地故漢帝與匈奴爭車師伊吾以制西域至隋有商胡雜居勝

兵千餘人附於鉄勒人甚驕悍厥田良沃隋末內屬
置伊吾郡屬天下亂又臣突厥大唐貞觀四年以頡
利破滅遂舉其屬七城來降因列其地爲西伊州同
於編戶至武太后如意初武威軍總管王孝傑大破
吐蕃復龜茲于闐踈勒碎葉四鎮自是諸國朝貢徂
於前代矣神龍以後黑衣大食強盛漸并諸國至于
西海分兵鎮守焉征天子瑛隨鎮西節度使高仙芝西
商船自廣州今之所纂其小國無異聞者則不暇
錄焉諸家纂西域事多引諸僧遊歷傳記如法明遊
域志惟佛國記曇勇外國傳智猛外國傳支曇詠烏
山銘翻經法師外國傳之類皆盛論釋氏詭異奇迹
參以作書則紀

樓蘭

樓蘭在姑羗西北漢時通焉王理扞泥城去陽關千
六百里東去長安六千一百里戶千五百西北去都
護理所千八百里至山國千三百餘里此國山居西
北至車師千九百里地沙鹵寄田仰穀傍國多山
陵葦柳胡桐白草白草牛馬所嗜也胡桐似桐虫
胡桐笑言似眼流人隨畜牧逐水草有驢馬多橐駝
能作兵器與姑羗同初漢武帝因張騫之言其心欲
通大宛諸國使者一歲中多至十餘輩樓蘭姑師當
道苦之每給使者受其勞費故厭苦也攻劫漢使王恢等漢將趙破
奴率屬國騎謂諸外國屬漢者及郡兵擊之虜樓蘭王遂破

姑師於是列亭障至玉門矣樓蘭既降服貢獻匈奴
聞發兵擊之於是樓蘭遣一子質漢後貳師將軍擊
大宛便道引兵捕樓蘭王將詣闕薄責王對曰小國
在大國間不兩屬無以自安願徙國入於漢地上直
其言遣歸國樓蘭王死後王立樓蘭國最東垂近漢
當白龍堆之水草常主發導負米檐糧送迎漢使又
數爲吏卒所懲艾不便與漢通艾讀後復爲匈奴反
間數遮漢使昭帝遣平樂監傅介子往刺其王懸首
北闕下乃立其弟尉屠耆爲王更名其國爲鄯善王
自請天子曰身在漢久今歸單弱而前王有子在恐
爲所拒國中有伊循城其地肥美願漢遣一將屯田

積穀令臣得依其威重於是漢遣司馬一人吏士四
十人田伊循以鎮撫之其後置都尉伊循官置始此
矣鄯善當漢道衝西通且末且此七百三十里自且
末以往皆種五穀土地草木產畜作兵畧與漢同自
後無聞至後魏太武時其國爲沮渠安周所攻其王
西奔且末而且末役屬之西魏大統八年其王乞鄯
來率衆內附

且末

且末國漢時通焉王理且末城去長安六千八百里
戶二百三十西北至都護理所二千二百里北接尉
黎丁零東與白提西接波斯精絕南至小宛可三日

行地有蒲萄諸果人皆剪髮着氊帽小袖衣爲衫則
開頸而縫前多牛羊騾驢其王安未染盤梁武帝普
通五年遣使貢獻謂之末國梁史云即且末其國西北有流
沙數百里夏月有熱風爲行旅之患風之欲至老駝
先知即鳴而聚立埋口鼻於沙中人每以爲候即將
氊擁蔽鼻口其風迅駛斯須過盡若不防者以致危
斃

杆彌

杆彌漢時通焉王理杆彌城去長安九千三百里戶
三千三百東北至都護理所三千五百里南與踈勒
東北與龜茲西北與姑墨接西通于闐四百里後漢
改其國曰拘彌居寧彌城亦曰寧彌城國順帝末建
中爲于闐王放前破殺其王與陽嘉初燉煌太守徐
由遣踈勒發兵擊破于闐遂更立拘彌王靈帝嘉平
中又爲于闐所破殺掠殆盡衆纔千口

車師

車師前王後王並漢時通焉前王國一曰前部理交
河城河交郡水分流繞城下故爲號去長安八千一百
里戶千五百西南至都護理所千八百里西域長史
及戊巳校尉並理於此去燉煌十三日行其地東西
三百里南北五百里四面多大山後王國理務塗谷
即今蒲城今北庭府蒲類縣也去長安八千九百里戶六百西南至

都護理所千二百三十餘里北與匈奴接初漢武帝
征和四年中遣重合侯馬通將諸國兵共圍車師車
師王降服後其王烏貴與匈奴結親教之遮漢道昭
帝時匈奴復使四千騎田車師宣帝地節二年遣侍
郎鄭吉校尉司馬喜喜許吏反將免刑罪人田渠梨積穀欲
以攻車師至秋收穀吉喜發城郭諸國兵共擊車師
攻交河城破之王尚在北石城未得會吉食盡歸渠
梨田秋收後更往攻石城王乃輕騎奔烏孫吉還田
渠梨及車師益積穀以安西國侵匈奴匈奴大臣皆曰
車師地肥美近匈奴使漢得之多田積穀必害我國不
可不爭也遣騎來擊吉吉將田士卒保車師城匈奴

圍城數日乃解吉上書車師去渠梨千餘里間以山

河北近匈奴漢兵在渠梨者勢不能相救願益田卒

於是故車師太子軍宿在焉耆者立以爲王盡徙車

師國人令居渠梨遂以車師故地與匈奴車師王得

近漢田官與匈奴絕亦安樂親漢其後置戊巳校尉

屯田車師故地即今交河郡漢取之以置校尉平帝元始中車師後

王國有新道出五船北通玉門關往來差近戊巳校

尉徐普欲開以省道里避白龍堆之阨車師後王始

句音鉤以道通當爲柱置心不便也柱支柱也言有所置立而支柱於已

故心不便也地又頗與匈奴南將軍地接其後舉國

降匈奴盡舉一國之衆是時王莽易匈奴單于璽單于怒大

擊北邊而西域亦瓦解焉耆國近匈奴先叛殺都護
桓欽莽不能討西域因絕至後漢和帝元光二年大
將軍竇憲破北匈奴車師震懼之涉前後王各遣子
入侍其後屢叛至安帝延光四年長史班勇擊其後
王軍大破斬之桓帝永興初後部王阿羅多攻圍漢
屯田且固城殺傷吏士後部侯炭遮領餘人叛阿羅
多詣漢降阿羅多從百餘騎亡走北匈奴中漢立後
部故王軍就質子卑君為後部王阿羅多復從匈奴
中來降於是更立阿羅多為王將卑君還燉煌以後
部人三百帳別屬役之食其稅帳者猶中國戶之數至魏時賜其
王壹多離守魏侍中號大都尉晉以交河城為高昌

蓋因其地高敞人庶昌盛立名或云昔漢武帝遣
君兵西討師旅頓散者因住焉有漢時高昌壘故也

張軌呂光沮渠蒙遜在河西皆置太守以統之後魏

太武時其前部王為沮渠無諱所攻遣使上表云不

能自全遂捨國東奔三分免一在焉耆東界幸垂賑

救魏使撫慰開焉耆倉給之文成帝末其地又為蠕

蠕所并立闕伯周為王高昌稱王自此始闕始監反孝文太和五

年高車主阿伏至羅殺闕王以燉煌人張孟明為高

昌王太和二年孟明為國人所殺立馬儒為王以鞏

顧禮翹嘉為左右長史儒又通使後魏請內屬人皆

戀土不願東遷相與殺儒立嘉為王嘉字靈鳳金城

郡榆中人地今郡既立為王會焉耆為嚙噠所破眾不

能自立請主于嘉嘉遣第二子爲焉者王由是始大
益爲國人所服其都城周廻千八百四十步於坐室
畫魯哀公問政於孔子之像國內有城十八置四十
六鎮官有令尹有交河郡公田地公皆其王子也餘
官多同中國大事決之於王小事則世子及二公隨
狀斷平章錄記事訖即除籍書之外無久掌文案官
人雖有列位並無曹府唯每朝集於衙門評議衆事
諸城各有戶曹水曹田曹每城遣司馬侍郎相監檢
校名爲城令服飾丈夫從胡法婦女人畧同華夏兵
器有弓箭刀楯甲稍文字亦同華夏兼用胡書有毛
詩論語孝經歷代子史集學官弟子以相教授雖習

讀之而皆爲詩賦稅則計田輸銀無者輸麻布其刑
法風俗婚姻喪葬與華夏大同其人面貌類高麗辮
髮垂之於背女子頭髮辮而垂其地高燥多石磧氣
候溫暖與益州相似穀麥再熟宜蠶多五果有草名
爲羊刺其上生蜜而味甚嘉赤鹽如朱白鹽如王多
蒲萄酒俗事天神兼信佛法國中羊馬牧於隱僻以
避外寇非貴人不知其所又有草實如繭中絲如細
繡名爲白蠟子國人取織以爲布交市用焉其國北
有赤石山山北七十里有貪汗山真有積雪此山之
北鉄勒界也從武威西北有捷路度沙磧千餘里四
面茫然無有蹊徑欲往者不可準記唯以人畜骸骨

及駝糞為驗路中或聞歌哭之聲行人尋之多致亡
失蓋魑魅魍魎也故商旅往來多取伊吾路孝明帝
正光中嘉遣使求借五經諸史并請國子助教劉寔
以為博士隋文帝開皇中突厥破其四城有二千人
來歸中國嘉孫伯雅立其大母本突厥可汗女其父
死突厥令依其俗伯雅不從者久之突厥逼之不得
已而從煬帝大業五年伯雅來朝因從擊高麗還尚
宗女華容宮主八年歸蕃至大唐武德中遣使獻狗
雌雄各一高六寸長尺餘性甚慧能牽馬銜燭云本
生佛祿國其後不供職貢貞觀四年其王文泰來朝
伯雅後與西突厥連結諸國朝貢者皆路出高昌文

秦稍擁絕之至十三年太宗謂其使曰高昌數年來
朝貢脫畧我使人至彼文泰云鷹飛于天雉竄于蒿
猶遊于堂鼠安于穴各得其所豈不快耶明年當發
兵以擊汝國十四年八月交河道行軍大總管侯君
集平高昌國下其郡三縣五城三十二戶八千四十
六口萬七千七百三十馬四千三百疋太宗以其地
為西州以交河城為交河縣始昌城為天山縣田北
城為柳中縣東鎮城為蒲昌縣高昌城為高昌縣初
西突厥遣其葉護屯兵於可汗浮圖城與高昌為影
響至是懼而來降以其地為庭州并置蒲類縣每歲
調內地更發千人鎮遏焉黃門侍郎褚遂良上疏曰

臣聞古者哲后必先華夏而後戎狄務廣德化不事遐荒是以周宣薄伐至境而止始皇遠塞中國分離漢武負文景之聚財翫士馬之餘力始通西域將三十年復得天馬於宛城採蒲萄於安息而海內空竭生人物故所以租至六畜筭至舟車因之年凶盜賊並起搜粟都尉桑弘羊復希主意請遣士卒遠田輪臺築城以威西域武帝醜然追悔棄輪臺之野下哀痛之詔人神感悅海內又康向使不然生靈盡矣是以光武中興不踰葱嶺孝章即位都護來歸今誅滅高昌威加西域收其鯨鯢以爲州縣然則王師初發之歲河西供役之年飛芻輓粟十室九空數郡蕭然五年不復陛下歲遣千餘人遠事屯戍終年離別萬里思歸去者資裝自須營辦既賣穀粟傾其機杼經途死亡復在言外兼遣罪人增其防遏彼罪人者生於敗肆終其惰業犯禁違公必能擾於邊城無益於行陣所遣之內復有逃亡官司捕捉爲國生事設令張掖塵飛酒泉烽舉豈能得高昌一人斗粟而及事乎終須起發隴右諸州星馳電擊由斯而言此河西者方已腹心彼高昌者他人手足豈得糜費中華以事無用書曰不作無益害有益此之謂也陛下平頡利於沙塞滅吐渾於西海突厥餘衆尋爲可汗吐渾隨崩更樹君長復立高昌非無前例此所謂有罪而

誅之既服而立之四海百蠻誰不聞見蠕動懷生畏
威慕德宜擇高昌可立者而立之徵給首領兼還本
國負戴漢恩長爲藩翰中國不擾既富且寧傳之子
孫以貽末代矣不從

龜茲

龜茲

一曰丘茲又曰屈茨

漢時通焉王理延城

今名伊邏盧城都白山

之南二百里

隋西域圖云白山一名阿鞞山常有火及烟卽是出礪砂之處東去長

安七千五百里戶七千南與精絕東南與且末西南
與杆彌北與烏孫西與姑墨接能鑄冶俗有城郭東
至都護理所烏壘城四百里烏壘戶百十與都護同
理其南三百里至渠犁渠犁城都尉一人戶百三十

東北與尉犁東南與且末南與精絕接昭帝田輪臺
與渠犁地皆相連也宣帝時烏孫公主遣女東有大
河東流號計戍水據漢書則黃河也其真黃河也見雍州西平郡篇
大唐貞觀二十三年將軍阿史那社爾伐龜茲虜其
王如歸立嗣子素稽爲王今安西都府所理則龜茲
城也今王則震之後也今并有漢時姑墨温宿尉頃
三國之地

杜氏通典卷第一百九十一

杜氏通典卷第一百九十一

邊防西戎四

焉耆 于闐 疎勒 烏孫

姑墨 温宿 烏秣 難兜

大宛 莎車 罽賓 烏弋山離

條支 安息 大夏 大月氏

小月氏

焉耆

焉耆漢時通焉王理負渠城頡在白山之南七十里去長安七千二百里戶四千西南至都護理所四百里南去尉犁百里北與烏孫接東去交河城郡九